

Papia 3 Jon da Mandagit

But piso gen

2 Jonon mandagit unjudeŋ gin on papia mandagit amin da iyi do 'kila amin' kindā yaŋ yosok. Amin morapmi da Jon Yesu dakon paŋdet kindā da mandagit yaŋ nandaŋ.

Jon da papia on kila amin kindā mani Gaius unun do mandagit. Gaius dakon man awigigit, nido Yesu yolyol amin diwari paŋpulugagit. Ae amin kindā mani Diotrepes unun kaŋ kimotjak do iyigit, nido Diotrepes da Yesu dakon gen bin tagisi yogok amin yolban kiwit. (Gagi 9-10 do koki.)

Piŋkop dakon pi amin paŋpulugoneŋ

1 Nak paŋmuwukbi dakon kila amin da notnosi Gaius gak do papia on mandaŋ gamisat. Nak asisi gak do but dasi galak taŋ gamisat.

2 Not giman, wupgo tagisi tosok, unjudeŋ gin yo morap asal unun abi tagisi noman toni, ae giptingo yo kisi tagisi tosak yaŋ do bisit asat. 3 Paŋmuwukbi notnin di da abiŋ gak da gen bami abidaŋ kimagek egisal unun dakon geni nayiŋba but galak madepsi nandagim. 4 Nak dakon miŋat monjiyono gen bami yolgaŋ dakon geni nandisat bisapmon kisik kisik diwari nandisat unun yapmaŋek kisik kisik madepsi nandisat.

Gaius pi tagisi agit

5 Not giman, gak but dasi nandaŋek paŋmuwukbi not paŋpulugosol. Ae diŋa nandaŋ yomisal, mani yum pindagek paŋpulugosol, do gak pi tagisi kindā naŋ asal. 6 Diwari da on paŋmuwukbi kabikon abiŋ gak da amin

do but dasi galak tarj yomisal unjun dakon geni yarjba nandagimanj. Gepmanj degek kik do ani bisapmon Piŋkop da nandisak unjun da aripmon paŋpulugok abi. ⁷ Yesu dakon pi ak do nandanjek kinj pi unjun anjek Piŋkop dima nandanj imanj amin kabikon paŋpulugok di dima timikganj. ⁸ Nin Piŋkop dakon pi amin unjuden paŋpulugonej kanj tagisi. Yarj anjek kanjo nin unjun gat pi kalorj anjek Piŋkop dakon gen bami joŋitneŋ.

Diotrepes anpak yokwi agit

⁹ Nak gen diwari paŋmuwukbi do kili mandagim, mani Diotrepes unjun mibiltok amini egip do nandisak, do nin dakon gen dima nandisak. ¹⁰ Yarjo, opberj kanj anpak asak unjun do yanjkwok aberj. Unjun nin do yarjba yok anjek gen yokwi mibili mibili yosok. Ae Yesu dakon pi amin yutnikon dima paŋkisak. Ae unjun gin dima, paŋmuwukbi da pi amin iyi da yutnon paŋkik do aba yarjsoŋ anyomisak. Ae paŋmuwukbi kabi da warja egipni do yoldak.

Demitius anpak tagisi agit

¹¹ Not gimano Gaius, anpak yokwi dima yolek abi, anpak tagisi banj yolek abi. Amin kinda anpak tagi asak unjun Piŋkop dakon amin. Mani amin kinda anpak yokwi asak unjun Piŋkop dima kanbi. ¹² Amin kisi da Demitius dakon anpak tagisi unjun do yorj. Ae Piŋkop dakon gen bami unjunyo kisi anpakni tagisi unjun da antenjenj asak. Ninyo kisi anpakni tagisi unjun do yomanj. Disi nandanj, gen unjun bamisi yomanj.

Kila amin da Gaius kok do nandagit

¹³ Gen morapmi torj, mani papiakon mandak do dima nandisat. ¹⁴ Abinj gandabo gen yarj nandat andenj kanj, tagisi yarj nandisat. ¹⁵ But yawot gagon tosak. Notgoni

3 Jon 15

3

3 Jon 15

idon ekwamanj unjun da gildat tagi yan gayan. Notnoni unjudon ekwanj amin kalonj kalonj manikon da gildat tagi yan yoyin yoyin aki.

PIŪKOP GEN
The New Testament and Psalms in the Yopno Language of Papua
New Guinea
Nupela Testamen na Buk Song long tokples Yopno long Niugini
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106